

西北史地文獻

第十卷

中國西北文獻叢書



中國西北文獻叢書·第三輯

西北史地文獻

第十卷



PDF

平定準噶爾方略
四

平定準噶爾方略

平定準噶爾方略
PDG

平定準噶爾方略目錄

正編

卷七十二

乾隆二十四年四月乙亥至五月壬寅

卷七十三

乾隆二十四年五月甲辰至六月丙子

卷七十四

乾隆二十四年六月丁丑至閏六月癸卯

卷七十五

乾隆二十四年閏六月甲辰至七月庚午

卷七十六

乾隆二十四年七月辛未至八月丙申

卷七十七

乾隆二十四年八月辛丑至九月壬子

卷七十八

乾隆二十四年九月癸丑至己巳

卷七十九

乾隆二十四年九月庚午至丁丑

卷八十

乾隆二十四年十月戊寅至己亥

卷八十一

乾隆二十四年十月庚子至丙午

卷八十二

乾隆二十四年十一月庚戌至丙子

卷八十三

乾隆二十四年十二月丁丑至丙午

卷八十四

乾隆二十五年正月戊申至乙亥

卷八十五

乾隆二十五年二月丙子至三月戊申

續編

卷一

乾隆二十五年三月庚戌至四月戊寅

卷二

乾隆二十五年四月庚辰至戊午

卷三

乾隆二十五年五月辛酉至六月丁亥

卷四

乾隆二十五年六月戊子至七月辛酉

卷五

乾隆二十五年七月丙寅至八月己亥

卷六

乾隆二十五年九月癸卯至十月甲申

卷七

乾隆二十五年十月壬辰至十一月己巳

卷八

乾隆二十五年十二月辛未至丁酉

卷九

乾隆二十六年正月壬寅至二月丁亥

卷十

乾隆二十六年二月乙酉至三月戊辰

卷十一

乾隆二十六年四月戊寅至五月丙寅

卷十二

乾隆二十六年六月壬申至七月丙寅

卷十三

乾隆二十六年八月庚午至九月乙丑

卷十四

乾隆二十六年十月丁卯至十一月癸亥

卷十五

乾隆二十六年十二月丙寅至二十七年二月庚寅

卷十六

乾隆二十七年三月甲午至四月辛卯

卷十七

乾隆二十七年五月庚子至七月庚寅

卷十八

乾隆二十七年八月壬辰至十月癸卯

卷十九

乾隆二十七年十月乙巳至十二月丁巳

平定縣志

五

卷二十

乾隆二十八年正月辛酉至二月丙辰

卷二十一

乾隆二十八年三月戊午至五月丙戌

卷二十二

乾隆二十八年六月庚寅至九月癸未

卷二十三

乾隆二十八年十月乙酉至十二月丁未

卷二十四

乾隆二十九年正月甲寅至三月戊寅

卷二十五

乾隆二十九年四月癸未至六月辛酉

卷二十六

乾隆二十九年七月癸丑至九月戊寅

平定縣志

六

卷二十七

乾隆二十九年十月庚辰至十二月甲辰

卷二十八

乾隆三十年正月乙酉至閏二月乙亥

卷二十九

乾隆三十年三月丙子至壬寅

卷三十

乾隆三十年四月丁未至五月甲辰

卷三十一

乾隆三十年六月丙午至七月壬寅

卷三十二

乾隆三十年八月戊申至十一月庚寅

平定回疆方略

七

卷三十三

乾隆三十年十二月甲辰至三十一年正月乙酉

卷三十四

乾隆三十一年正月乙酉至二月乙亥

卷三十五

乾隆三十一年二月乙亥至三月丙子

卷三十六

乾隆三十一年三月丙子至四月丁未

卷三十七

乾隆三十一年四月丁未至五月甲辰

卷三十八

乾隆三十一年五月甲辰至六月丙午

卷三十九

乾隆三十一年六月丙午至七月壬寅

平定準噶爾

方略正編

平定準噶爾方略正編卷之七十二

乾隆二十四年夏四月乙亥。

訓諭八旗大臣官員。

上諭軍機大臣曰。朕今日恭閱

皇祖實錄。議政大臣等奉

上諭

太祖

平定準噶爾方略正編卷之七十二

一

太宗時。滿洲兵凡遇征戰。馬匹口糧。自備行走。所向立功。並無遲悞。今官兵行走處。馬匹口糧器械等。俱給帑置辦。且以爲不足。而怨咨生焉。此皆由該管官不行嚴飭之故也。朕辦理軍務。閱歷甚多。向時征討岳州雲南。皆決於進取。乃得成功。後征噶爾丹。中路進兵。大臣官員會議。以爲不可。惟朕與費揚古決意進兵。噶爾丹聞風驚懼。鼠竄而去。朕將中路初次運到

之米遣明珠送費揚古軍前。二次米亦令續送。三次米內朕但留十八日口糧。餘皆送往西路。是以兵丁未至饑餒。彼時若輕信大臣等之議。中道撤兵。則兩路兵丁安得立功奏凱耶。今觀領兵大臣官員等祇爲保身之計。不以國事爲重。內存私意。彼此爭論不和。又向兵丁等沽名市恩。多取口糧。及不能馭載。至於拋棄。全無珍惜之意。如此居心行事可乎。朕之

平定回疆方略卷三

二

滿洲兵俱極精練。全在領兵者將國家之事專心辦理。不圖安逸。賞罰嚴明。則斷無錯悞。進兵西藏時。塞楞不候衆人。獨自前往。額倫特亦隨後追至。爲國家奮不顧身。雖致失機。豈可論伊等進兵太速乎。今策旺諾爾布係差往策應之兵。而遲延不前。雖伊所統兵丁善全而歸。伊屬下之兵。固然感念。與國事有何裨益。朕年少時。每於講武練兵等事。違命者必懲以

法。內外大小悉知儆惕。由此觀之。訓練之事不可疎忽也。茲衆喀爾喀及青海人等俱服朕德化而策妄阿喇卜坦之人霸占藏地。毀其寺廟。散其番僧。朕思伊兵步行一年有餘。忍饑受餒。尚能到藏。我兵顧不能至乎。今滿漢大臣咸謂不必進兵。朕思此時不進兵安藏。賊寇無所忌憚。或煽惑沿邊諸番部。將作何處置耶。故特諭爾等。安藏大兵。決宜前進。欽此。蓋彼

平定回疆方略卷三

三

時臣工內卽有囿於己私。惟圖安逸之習氣。故皇祖神謨獨斷。毅然辦理。是以每遇用兵。罔不克捷。朕御極以來。曾屢降諭旨。力除此習。卽如數年來辦理軍務。大臣中不願者居多。亦因朕指示催督。始能勦殺賊衆。所向無前。閱時未久。卽平定準噶爾。且同部葉爾羌喀什噶爾諸城。早晚亦可奏績。惟從前永常策楞等。以馬匹口糧爲詞。一意退縮。以

致大功不成。各罹罪譴。雅爾哈善以大兵全力。圍賊一城。並不急攻。且坐視逃竄。國憲難宥。故卽行正法。此皆徇私心而忘國事之炯戒也。至行兵口糧。固屬緊要。亦當計其便於裹帶。若但拘成例。支給過多。以沽名譽。及至不能轉運。徒然拋棄。於兵丁有何裨益。軍行糧隨。乃前代漢人陋習。曾經諭及凡將軍大臣等領兵。應支口糧。惟量足裹帶。途中再爲通融撙節。何至不能接濟。况官兵應支口糧。歸途有補給之例。若論事屬已往。雖不給亦可。而仍如此定例者。乃朕軫念兵丁之至意。俾行走時既覺便利。又得補給之項。以贍身家耳。數年來將軍大臣內兆惠富德在軍前行尚好。亦因遵朕訓諭。率先勇往。鼓勵官兵。雖間有不合機宜。然究未貽誤公事。至從來滿洲官兵。皆係勁旅。遇有

聖訓昭垂萬萬年永當遵守者

四

攻戰。惟知前進。毫無退縮。該管大臣官員等。平時並不勤加訓練。臨事又不能率先鼓勵。可惜朕之精兵。皆爲此等大臣官員所誤。若果盡心於教訓倡率。則何功不成。昨據富德等具奏。此次進剿之健銳營滿洲兵。於攻戰之時。放鎗迅利。奮勇直前等語。健銳營係朕新設。勅大臣等勤爲操演。又時親簡閱。始能技藝嫺熟。破賊立功。八旗大臣官員。皆有練兵之責。果能盡心教訓。則兵丁技藝。自皆一律健銳。又何須另立營名乎。欽惟

聖訓昭垂萬萬年永當遵守者

五

皇祖以講武練兵。不可疎忽。聖訓昭垂萬萬年永當遵守者。著傳諭八旗大臣官員等。嗣後各除便已求安之私意。惟知訓練兵丁。務使技藝嫺熟。不失滿洲舊習。庶兵丁皆成勁旅。而風俗日以還淳於國家之事大有裨益矣。此旨

著通諭八旗。仍於各旗演習騎射處所刊刻。永遠奉行毋怠。

丙子。

諭定邊將軍兆惠等酌計糧餉進兵。

上諭軍機大臣曰。定長等奏稱准兆惠等咨內地所送駝隻。至哈密闢展時。酌量每駝運糧一石。抵阿克蘇。隨以此項駝隻。俱行走數千里。不能多運。惟

平定邊將軍奏摺

六

擇其臆壯者。輕裝馱載等語。昨以達爾黨阿等奏報所送馬匹。五月間可至阿克蘇。朕卽謂已過麥熟之期。或候回地續種田糧。再行進剿。此特恐馬力既未齊全。糧餉又不能接濟。不得已而稍待之意。今思阿克蘇等處。亦未必有二萬餘馬牧場。且天暑易致疲乏。而定長復不能多運糧餉。若再停留不進。則官兵又虛糜兩月之餉矣。莫若仍於五

月進兵。雖麥熟過期。必有尚未收割者。可資接濟。庶功以速成。不必拘泥前旨。著傳諭兆惠富德舒赫德等會議具奏。定長等亦令其酌量辦理。

定邊將軍兆惠等疏奏查詢侍衛拜達爾勞績。兆惠等奏言。臣等欽奉

諭旨。查得三等侍衛拜達爾。原在雅爾哈善軍營。去秋隨臣等至葉爾羌。以英額奇盤山之戰。同瑞

平定邊將軍奏摺

七

綽爾圖等爲前鋒。遇賊陣亡。業經具奏。去年六月間。雅哈托和雅之戰。拜達爾領巴圖魯兵二十名衝陣。侍衛噶布舒等。欲候大隊同進。拜達爾激罵同行。不許退後。亦經保列頭等功次。奏入。得

旨。拜達爾已加恩優卹。給與卺職矣。

辦理屯田副都統定長等疏奏遣發存留滿洲

索倫等官兵。

定長奏言。臣等准兆惠咨。將各處存留之滿洲。索倫蒙古兵丁。速令起程。於四月內抵阿克蘇。茲于三月三十等日。吳達善送馬一千匹前來。臣等除酌留臺站兵丁外。計送往軍營各官兵。三百八十五人。辦給行糧馬匹。陸續起程。奏入報。

平定回疆方略卷五

八

聞。

丁丑。

定邊將軍兆惠等疏奏酌籌進剿事宜。

兆惠等奏言。臣等從前擬將和闐阿克蘇分爲兩路。特因和闐被圍。且有通喀喇土伯特痕都斯坦之路。俟應援事竣。進攻葉爾羌。而阿克蘇之兵。兩面夾攻。兼堵截賊人逃往拔達克山等

要隘。若兵多。則分攻喀什噶爾。互相牽制。今兵數不多。恐逆賊拒守葉爾羌。必須兩路合兵攻圍。俟克城後。再分兵略地。及堵截來援賊衆。今接奉分兵。

平定回疆方略卷五

九

諭旨。謹錄送富德令其定議具奏外。臣舒赫德卽將阿克蘇所有馬駝內。選其堪用者。前往和闐。安撫回衆。其酌調布魯特屬人。及查拏哈薩克錫喇。臣等於三月初八日。卽遣侍衛成果布延泰等。傳檄布魯特。候回報定奪。奏入。

上諭軍機大臣曰。富德至特穆爾圖淖爾。攻喀什噶爾。舒赫德前往和闐。皆從前酌定者。今富德已定和闐。自當由彼進發。兆惠雖令富德定議。恐往返需時。可傳諭富德令其徑從和闐進兵。攻取葉爾羌。一面堵截逆賊等逃竄之路。昨據舒赫德請前

赴和闐。令巴祿在阿克蘇辦事。已降旨停止。卽此時業已起程。亦仍回阿克蘇。此旨著速行馳遞。

戊寅。

諭定邊將軍兆惠等酌籌送馬事宜。

上諭軍機大臣曰。據富德奏稱前往和闐一路地多戈壁。詢之守備傅能亦以前途牧場既稀。而水泉亦少。現將所領兵馬。分爲五起。牽馬步行等語。是

平定回疆方略卷五

十

解送馬匹。甚關緊要。達爾黨阿哈達哈所送之馬。

二萬餘疋。係分給兆惠富德兩軍者。抵阿克蘇時。

將送交富德之馬。作何分起解送。不致疲乏。可傳

諭兆惠富德詳加酌議具奏。一面卽行辦理。

命以陞賞侍衛齊凌扎卜等情節。宣示官兵。

上諭軍機大臣曰。富德奏稱途遇守備傅能等領綠旗兵五十餘名。從哈喇哈什脫出。告知伊與齊凌

扎卜等因守情節。仍願隨同進兵。因其困憊。令往

兆惠軍管休息。以備詢問等語。齊凌扎卜傳能有

守城之責。城旣失陷。自當治罪。但哈喇哈什係同

城初降。衆心未定。非內地城守可比。且兵餉不足

尚能勉支三月餘。迨勢孤援絕。內外變亂。始行脫

出。旋又隨大兵恢復。苟非齊凌扎卜堅守之功。則

援兵雖至。亦已無及。是以加恩優敘。今傅能係隨

平定回疆方略卷五

十一

同齊凌扎卜守城。不必一體陞賞。但亦屬勞苦。著

加恩遇有都司遊擊缺出。卽行補用。隨同脫出之

兵丁。殊堪軫念。著兆惠等查明酌賞銀兩。恐軍營

官兵等。以齊凌扎卜傳能旣已失城。功不抵罪。何

故加恩。妄生揣度。亦未可定。可通行曉示知之。

命酌定有功人員。賞給巴圖魯號。

上諭軍機大臣曰。富德將交查之藍翎侍衛那木查

爾等十人功次查奏。又稱此次保舉人員內。索倫藍翎伊登古典賞藍翎科丕塔俱應賞巴圖魯號等語。昨諭查奏軍營應賞巴圖魯號人員。原欲拔其殊尤。加以寵錫。今所奏尚未明晰。豈伊等多人。均應賜號耶。著傳諭富德將此中實屬奮勉超羣。立功異衆者。查出四五人具奏。又兆惠奉諭。惟查奏綽爾布雅一人。朕已加恩賜號。看來伊隊內効力人多。所舉尚覺其少。亦傳諭兆惠再照前例。查出一二人。奏聞請旨。

平定回疆方略卷五

七

命革副將高宗瑾職。押赴烏魯木齊効力。

上諭軍機大臣曰。吳達善參奏副將高宗瑾委令總理解送軍營羊隻。托病推卸。規避不職。請革職。發往烏魯木齊屯田効力。所奏甚是。高宗瑾身為大員。遇事推諉。若僅予革職。實不足蔽辜。但甘省距

烏魯木齊頗遠。此等無恥懶惰之人。若令其自行領咨前往。中途不免捏病逗遛。著傳諭吳達善委員押赴烏魯木齊。交與屯田大臣收管。令其當差効力。以爲官員規避者戒。

五月庚辰朔。

命欽天監監正明安圖等往繪回部地圖。

上諭軍機大臣曰。回部將次竣事。應照平定伊犁之

平定回疆方略卷五

七

例。繪畫輿圖。明安圖傳作霖著賞銀二百兩。西洋人高慎思籲請同行。亦賞銀二百兩。二等侍衛什長烏林泰乾清門行走藍翎侍衛德保賞銀各一百兩。德保仍授爲三等侍衛。整裝馳驛前往。

辛巳。

恩免陝西承辦軍需各屬地丁錢糧。

上諭大學士曰。前因陝西與甘肅毗連之各廳州縣。

年來亦有承辦軍需差務。小民踴躍急公。深堪軫念。特降旨該督。令其查明奏聞。今據吳達善將辦差各屬。分晰查奏前來。所有出力最多之潼關華陰華州渭南臨潼咸寧長安咸陽醴泉興平乾州永壽邠州長武府谷神木葭州懷遠榆林定邊靖邊等二十一廳州縣。本年額徵地丁銀糧。著加恩普免十分之三。其同官高陵涇陽三原富平盩厔

平定縣署奏參至

古

鄠縣藍田耀州大荔蒲城澄城韓城白水郃陽朝邑鳳翔岐山寶雞扶風隴州汧陽麟遊郿縣三水淳化武功等二十七州縣。本年額徵地丁銀糧。加恩普免十分之二。南鄭褒城寧羌沔縣城固洋縣西鄉略陽鳳縣商州商南雒南鎮安山陽鄠州洛川中部等十七州縣。本年額徵地丁銀糧。加恩普免十分之一。以示一體優恤。加惠黎元至意。該部

遵諭速行。

諭叅贊大臣巴祿隨富德由和闐進兵。

上諭軍機大臣曰。巴祿奉到阿克蘇辦事之旨。奏請願赴軍營。同將軍等進剿等語。昨已諭巴祿領富德存留之兵。前往和闐辦事。今伊既願同將軍進剿。著卽同富德由和闐領兵前進。但和闐仍須大員駐劄。著福祿卽留辦事務。亦諭兆惠等知之。

平定縣署奏參至

五

總督管甘肅巡撫吳達善疏奏臺站兵糧就近撥運事宜。

吳達善奏言。查口外軍營。安設臺站。從巴里坤北至烏魯木齊南至阿克蘇。俱需駝隻轉運。合計一月用駝二百餘。倒斃者十之七八。購辦不易。臣查巴里坤一路臺站。自今春改設山南以來。兩路俱會哈密迤西。而哈密關展兩處。均有

運貯糧石。其由關展至托克三。哈喇沙爾庫車。阿克蘇等處。俱安設糧臺。兼有收穫屯糧。請自五月以後。不必由巴里坤辦運。徑從哈密關展等處撥運。其關展至阿克蘇。各就近分臺撥運。更按各地情形。在百里以內者。卽令各臺兵。按月自赴糧臺。或屯所。隨便支取。其自托克三及烏魯木齊以東。地尚平坦。酌僱商車分送。自哈喇沙爾至阿克蘇。合計所需糧數。每月不過數十石。應請卽於各糧臺現有駝隻內。每月量撥二三十隻。卽可運送一次。沿途分給。需駝無多。自可通融辦理。奏入。報

聞。

壬午。

叅贊大臣舒赫德等疏奏購買回人穀石情形。

舒赫德奏言。查各城回人等感戴

皇仁。臣等定議糧馬價值。均因其所願。並無迫脅。本年二月以來。青黃不接。臣等同伯克等照每石二兩五錢之官價。加至兩倍。至回人等最需內地布疋。每疋以二兩至二兩五錢折兌。布三疋卽可得穀一石。其烏什阿克蘇等處穀價。每石自三兩至五兩不等。今市價較昂。臣等公議。每石酌量增加。回衆無不踴躍出糶。並行文烏什庫車等處。一體辦理。臣現在購買回人馬一百匹。又選駝九十隻。派官兵百名。運送鎗礮軍器。於四月十一日。自阿克蘇起程。前往和闐。至和闐甫經安集。應及時耕作。臣與永貴等會商。攜帶銀兩綢布。以備獎賞。奏入。

上諭軍機大臣曰。前諭舒赫德同霍集斯前往和闐。

特爲堵截逆賊霍集占等逃逸。今富德已從和闐進兵。阿克蘇亦屬要地。仍令駐劄辦事。會屢降諭旨。今業經前往。接得此旨。卽將官兵等。及運往軍需。交與富德辦理。仍輕騎轉回阿克蘇。亦傳諭兆惠等知之。

癸未。

諭定邊將軍兆惠等體察伯克霍集斯情形。

平定邊將軍參奏

大

上諭軍機大臣曰。兆惠等奏稱從前詢問霍集斯據告云。烏什有通喀什噶爾之路。雖覺稍近。而地險多石。水泉不足。往葉爾羌渡河亦難。今伊已抵富德軍營。應行文令其就近詢問等語。烏什一路。行走旣難。富德仍卽自和闐進兵。防禦喀喇土伯特等要隘。朕詳察霍集斯情形。似以擒獲霍集占等後。回首無出其右者。意在總統回部。會密諭兆惠

等留心防範。但霍集斯雖不可信。而從前曾擒獻達瓦齊。此次納降。又隨將軍等在葉爾羌効力。若驟行究治。同人未免驚疑。著再密諭兆惠等。霍集斯此時如情形叵測。斷不可留。則亦不得姑息從事。或不過恃功率意。卽暫示包容。俟事竣後。與伊同行來京。照達瓦齊之例安置。亦屬妥協。兆惠等宜加意慎密。以合機宜。

甲申

平定邊將軍參奏

尤

諭定邊將軍兆惠等通融支給火器。

上諭軍機大臣曰。五吉奏稱提督閆相師咨取火藥鉛丸等件。查從前因內地解送開展駝隻。已經搭運。而楊寧等所領綠旗兵。所攜亦多。今駝隻已全過哈密。續解尚需時日等語。軍營進剿兵丁。均屬効力。所有需用器械。宜量其有無緩急。通融支給。